

商水縣志卷十八

人物志二

孝友

後漢

李充汝陽人兄弟六人易衣而出竟日而食其妻竊謂充曰今貧如是我有私財可分異獨居人多費極無爲空自苦也充請召鄰里室家相對共訣妻信之召悉至出其妻泣而去

宋

張輅家世忠孝性沉靜有識鑒博學善屬文以子封著作郎鄉人推典型焉

明

張景昭性純孝父母歿廬墓三年齊衣疏食負土起家有元兔穴

商水縣志

卷十八

人物志

一

其旁赤芝生其上人以爲純孝所感事聞嘉獎至今相傳猶名其地爲景昭墳云

董正誼庠生性至孝竭力奉養務盡親歡一日母病湯藥無效禱天願以身代復割股以供母病尋愈知縣匾其門以旌之

郭峻極庠生性淳樸孝事父母及歿殯葬以禮廬墓三年知縣郭天璟旌表其門

清

傅雅言拔貢生慷慨忠義孝友成性明季之變流寇屠城二兄同母十餘人俱殉難雅言獨被掠逃回零丁孤苦力購棺木收屍殮葬平生存心涉世一以忠厚忍讓爲本壽九十餘知縣郭天錦以忠孝匾額旌之王夔龍又旌其門曰全母慰兄

王傑庠生素行端方然諾不欺崇禎辛巳十月闖逆破城闔家遇

害僕僅以身免叔父承統死於賊僕冒矢石尋得叔父屍葬之奉孀母攜從弟寬避難永甯寨時寬方二齡背負維艱或恐其爲累勸使棄去僕仰天大痛曰吾叔一門祇此一綫寧俱死忍棄絕吾叔嗣乎卒保全無害亂定歸里遂成巨族僕亦享耄耄爲鄉飲大賓里人稱盛德至今不衰

陳王前字陞卿幼失怙恃孺慕終身年十二繼母常令掃除牛下王前歡然應命雖衣食不給無怨言遇闖逆亂負繼母匿蓬蒿中備極艱辛夜推磨以供母膳不使賊覺賊去母大感動融融洩洩無復間然士子從遊甚衆入庠者數十人續修邑乘多所修正以歲貢任盧氏縣訓導年六旬舉一子方至字澤九庠生入太學天性純孝忠厚樸訥有太古風年二十二父歿哀毀骨立幾不欲生葬祭盡禮每遇誕辰忌日輒流涕彌日居常被服

商水縣志

卷十八

人物志

二

布素不尚華飾嘗語人曰先人不幸遭罹禍亂今日太平徒抱風木悲敢以安樂忘父之患難乎因泣數行下事祖母李色養備至與人交然諾不欺親族有婚葬大事輒貲助之被其惠者數十家年踰古稀子孫成名者踵相接咸以爲孝義之報

合舊志傳

李蘭禧字森若國學生考授州同年十七遭闖逆焚掠父病痿蘭禧負以行遇賊欲兵其父劫使相從蘭禧涕泣哀求願從父死賊感泣因相戒勿殺孝子遂得免後生五子長遴上蔡縣庠生早世次震昇震普震旺震興皆成名以子貴封奉直大夫

李震昇字廣育監生年十五父染癰病祈天請代果愈母鄧氏病侍卧榻日夜不眠積勞成疾猶勉力支持不使母知出入恐驚母必脫履襪而行如此三載母歿哀毀踰禮撫幼弟坐卧與偕弟病未痊輒憂戚不食族里婚喪力不舉者周給之借貸不能

償悉焚其券又立義冢修學宮城隍廟損貲二百金復損數百
金修潁川河臨川集等橋當事題請孝義建坊入祠子士紱字
孟來候選通判孝義克敦有父風父母有疾晝夜不離側湯藥
必親進事諸父如父每有義舉勸諸父爲之不署己名嘗曰爲
善何必人知行吾心之所安而已

據李氏譜增補

李震普貢生候選知州生而明敏好學力行雅不與俗伍父病痿
與兄震昇泣求代父愈而母旋歿事繼母以孝稱友愛兄弟有
推梨讓棗風早納國課設塾延師築河隄恩及萬民立義冢澤
逮枯骨又其行之卓卓者闔學公舉於乾隆十一年從祀鄉賢
高用式庠生父思忠廩監生闖寇之變城陷賊迫思忠入隊思忠
不屑與伍賊怒殺之在北郭外用式聞父死潛往認父屍未及
掩賊復來刀傷用式頂血流幾死時將夜半見有白衣人食以

商水縣志

卷十八

人物志

三

野瓜方甦用式每遇父忌辰輒悲泣不止年六旬餘始舉一子
岳知縣王夔龍表其門曰壽稱人瑞

楊全孝家極貧母年八十餘扶持便溺穢器污衣親滌之伏日扇
枕知縣李興高旌之

高廷簡庠生早失怙事母李氏極盡子職祖年八旬祝嘏祝哽無
間晨昏家雖淡泊必竭盡心力而後已及歿棺椁衣衾無不盡
禮事諸父如父鄉里稱之人無間言

周毓琦監生幼恂謹規行矩步不爲畸言飾事人異之年十五父
歿能盡大事事母承顏順志叔父三世遺孤毓琦撫之成立家
業不致失墜里人高其義至今稱頌不衰

李允昇武庠生存心端正事繼母孝居近沙河每水漲自率夫役
晝夜堵築被保全者甚衆知縣李新猷旌其門

楊思邁武庠生忠厚傳家五世同居年屆期頤猶如少壯知縣李新猷旌其門曰聖朝人瑞

李爾蓉廩生性孝友儻不羣兄歿與姪湛析爨僅取空房三間一切園林悉歸湛有未幾湛亦亡弱婦幼子煢煢無依爾蓉憐而收之教養如己子時兄爾錫及姪湛皆浮柩未葬爾蓉竭力營葬一一盡禮鄉黨稱其高義巡撫部院賜匾旌其門曰友于兄弟

王廷誨事母孝養備至乾隆六年知縣李新猷匾其門曰孝友可風

王育賓天性孝友居心長厚急公尚義衆稱其賢

王昌業庠生天性淳恬敦行孝弟父作哲病侍湯藥晝夜不離側衣帶不解者數十日每夜祝天祈減己算以益父壽父愈人謂

商水縣志

卷十八

人物志

四

誠孝所感族人以孝義舉於官知縣吳昇命爲本族長率族以孝義爲先肅然整齊無一人敢爲非者子汝震汝霽皆業儒汝

霖汝霽汝雯相繼遊泮爲邑名士

舊傳妻李氏節入列女志

李大基字篤生忠厚醇謹重義輕財與兄大魁友愛甚篤田產均分外有別業讓歸兄有絕無悔心鄰有郝性家貧拖欠糧銀四年大基代納之子紹棟邑庠生孫凌漢太學生皆克承先志

陳瑄字獻白監生性孝友事繼母以孝稱撫孤姪若己子有負債貧不能償者取其券焚之遇歲荒或年終周卹窮乏以爲常捐施義地棺木又其善行之卓卓者知縣李新猷表其門曰孝友

樂施

陳炳廩生十歲失怙事母曲盡孝養家極貧無以給朝夕母常鬱鬱不樂遂至喪明炳備極孺慕飲食必豐不使其艱難有負

米懷橘之風從從叔父王前學得鷺湖鹿洞正派雖極寒盛暑吟誦不輟邑里稱爲理學先生

郭玉瑛字華崑天性孝友母早逝事繼母馬氏盡禮承顏能得其歡心與兄玉珰相友愛兄家貧不能自給玉瑛爲置產以贍之及歿號泣累日殯葬無失禮子際辛早列膠庠克振家聲

陳坤剛正尚義事父母先意承顏曲盡子道繼母邢氏性嚴厲事之維謹雖以難事相責亦悅從無違繼母病侍奉湯藥晝夜不離左右繼母大感動撫若己出焉親族貧遇婚喪大事坤輒傾囊助之年四十舉一子天之報施蓋不爽云

王天成性孝友事父母備極色養鄰族貧乏或當大事者輒周卹之不責其償樂善好施人頌惠愷妻王氏亦如之年近八旬皆鬻鑠如少壯子毓全克承厥志蜚聲鬻序

商水縣志

卷十八

人物志

五

支含文忠厚醇謹有太古風家寒素手口拮据不遺父母憂雖體無完衣而親常極豐煖及歿號泣盡哀觀者爲之流涕親族子弟有忝子職者率以天性感之詩曰孝子不匱永錫爾類斯人有焉

王文質忠厚慈祥好周人急難尤篤倫常族有從弟文瑞文祥幼失怙恃無依文質憐之收養於家爲娶妻生子未幾文瑞早逝遺孤育甯甫三齡文質撫若己子復爲授室卒興家業又族兄王順家貧寄居他鄉父母死不能葬文質召還爲備棺木葬之又里有楊姓張姓皆母死貧無以葬悉助之棺木令葬己地其周人急難類如此

段維家貧好善處庭闈以孝聞伯叔三人皆乏嗣維盡猶子之職養生送死俱能無媿心存利濟與李文先修葺城隍玄帝各廟

及黃冲龍塘河石橋維皆有力焉

李爾銓字伯遴庠生天性孝友兄弟雍睦有華萼風田宅佳者推讓兄姪族有貧乏慨然周卹之又捐修趙集河隄市人咸賴以安善岐黃施方藥尚陰隲崇信袁了凡功過格每手錄數本勸諭同人

康一彥庠生康翰子出繼長門本生父年老蕩產失業無以養贍一彥分所繼產業一半與弟以養親人高其義

趙全信庠生全敬弟六世同居家人計百口全信秉公理家士農工商各職一業一門融睦絕無齟齬時人難之

張佩弟早歿遺子萬年甫兩月佩撫如己子成立授室尋人泮時珣少失怙恃事繼母李氏極孝愛異母弟始終不替人爲咏鵲
鵲云

商水縣志

卷十八

人物志

六

支元生有特姿識大義年十歲親老兄嫂相繼歿遺二姪俱幼元生上事椿萱下撫弱姪手口拮据三十餘年門內雍雍無詬誶聲次姪方卜列名膠庠能振家聲非元生義方之訓不至此

康珣家貧叔父康玉璞老無妻子珣事如生父歿葬以禮兄斌樸實嫂後珣妻亡珣爲兄繼娶者再已鰥以終身常施藥濟人獨力修永甯集街後路鄰有張氏老寡且貧售房宅以度珣代贖

回令張收賃價過活乾隆六年縣賞給銀牌以旌之

下八人查卷補

高行宇兄弟四人析居家產任諸弟揀擇二弟行業尋病故遺妻子行宇令與已同爨待姪猶子乾隆六年縣主獎以銀牌

姚大用與弟大訓大器析居讓地五十畝又於東鄧店集設立義塾學子貧者復助以膳書費乾隆六年報縣獎銀牌匾額

劉耀宗念弟榮宗早亡將公業一處讓於姪加福獨居且善睦鄰

縣獎銀牌

王育靜早失恃事繼母康氏甚孝康帶一子育靜視如同胞父歿後地產房室俱分之以慰繼母心乾隆四年又施工挖臧家坡河報縣獎銀牌

邱安齊事繼母獨力孝養不累兄弟又捐貲修集南小橋一座馬玉貴死爲買棺木葬之乾隆六年得獎銀牌

王國士率妻孝母乾隆六年縣獎銀牌

李德事繼母孝膳養寡嫂撫姪不致失所縣賞銀牌又吳相臣事祖孝劉慶忠事親孝梁廷棟事父孝朱輝事母孝謝九公事繼母孝亦皆賞給銀牌

顧多見性淳厚守分不預外事孝友其天性也父母病晝夜憂思寢食俱廢及歿哀痛盡禮六載不與晏會有姊已嫁家貧不能

商水縣志

卷十八

人物志

七

自存多見招與同居分糧食之又爲二甥婚娶知縣李新猷旌之曰孝思不匱多見卒一子尙幼又過姪堯臣爲子撫孤養老送死皆得其人

陳光榮善事繼母友愛諸弟既析爨父母之喪獨力任之弟亦感泣敬兄至老不衰

李永吉三歲父歿母王氏撫育成立家貧供母甘旨無缺與伯父析產遵母命取其瘠者及伯家貧永吉嘗周卹之人以爲難得黃柚監生孝友堪式利濟無窮

王恭儉友愛諸弟有花萼風樓房良產悉讓之自擇薄田五十畝勤儉致富親歿喪具皆獨任之年荒弟典田以給朝夕恭儉以己財贖回與之

劉文炳父早逝事母曲盡孝道母病晝夜侍側湯藥必親嘗每夜

祝天祈以身代母尋愈有弟三既婚娶諸弟即求析爨文炳獨奉母未幾弟婦相繼俱歿文炳復招與同居又爲授室

楊襲慶廩生五世同居孝友兼盡好濟貧沐其惠者甚夥又於曰沙岡東捐地八畝作義冢掩埋暴骨事聞撫憲檄贈士林矜式

匾額

以上舊志

李漢字雲章性醇謹父震普病不食漢備請所欲無寒暑晝夜必多方羅致父夜欲食荷花漢往反數十里取之母患瘡痛苦異常漢涕泣輟食奉事敬謹手製湯藥不離左右待諸弟推善引過重然諾慎交遊不臧否人物仲弟調字潤蒼讀書過目成誦尊師重道不爲利祿之學遇碩儒輒執弟子禮睦族鄰人有疑難片言立解有借貸者慨與無吝色三弟淇字猗瞻尙義氣個儻不羣濟急救危如不及乾隆二十六年沙渚兩河水漲淇出

商水縣志

卷十八

人物志

八

賫率衆堵防知縣吳耀獎以功著河防匾額二十九年修築城垣知府徐以邦之彥兮表其門五十八年續修黌宮其餘捐修橋廟未能悉舉父震普以其天質過剛令學琴於從叔郊卒能淑性陶情一洗紉袴惡習又工詩送別王明府有月臨高閣冰絃靜花落空階鶴夢香之句

李樹勳字謙吉監生考授州同父伯偉早歿事母至孝怡怡承歡與兄樹德弟樹言友愛甚篤延師課讀交相勸勉温恭儒雅譽溢士林道憲富以鄴架增輝獎之知縣李手書棠萼齊美以贈乾隆元年黃水爲災居民廬舍多被淹沒樹勳代爲修葺鄉鄰借貸慨與之又與諸父郊震興各施麥種百石捐義塾金五十兩陳州知府金獎以裕後宏模徐表其門曰民之勸也子六長來慶孝友性成出嗣長兄樹德亦六子繩繩繼美人以爲盛德

之報云

徐超忠厚型家壽九十有奇親見玄孫乾隆四十八年知縣牛問仁獎以五世一堂匾額

趙起祥字瑞庵監生父廷棟母王氏起祥幼聰穎以家貧易讀而耕竭力供養慰志承顏父母尋繼逝喪葬盡禮叔父廷翼析居十餘年起祥代爲償債供養終身與弟起福友愛甚篤嘗曰張公藝九世同居只一忍字吾兄弟同居須一和字蓋和無不忍惟忍而後可和也故白首無間言起祥治家有道日益充裕乾隆乙巳大饑道殣相望大賈居奇閉糶起祥開倉糶及鄰封粟價頓減鄉鄰受惠已多矣有程預者肩挑爲生積錢百餘緡無家可歸懇起祥代貯後積三百金病歿衣衾棺木起祥悉出己貲又捐地一畝葬之程三百金報官助修節孝祠城隍廟夏月

商水縣志

卷十八

人物志

九

於十里舖陳家橋施茶並施藥餌城北七里關帝廟爲土棍折毀搆訟不已起祥助貲復修訟遂息乾隆庚午連年水患起祥倡首築隄完善延文武塾師教子孫鄰有強明子弟勸就學貧不給者周之入文武庠掇巍科者數人起祥體貌魁梧精神強健年九十不杖而行經營家務七十餘載馴致富厚子孫鼎盛長孫錦章由貢生捐知縣仕至東昌府知府次龍章由武舉選授四川順慶營遊擊陞兩廣督標後營參將均有傳

李紫袍監生與弟紫衣友愛甚篤紫衣少亡紫袍日夜涕泣號呼弟名哀動鄰里粒米不進潛入後園投井死遠近聞者無不哀之

李喜慶字懌亭監生舉止嫺雅工書善琴謝絕世務以絲竹自娛與諸昆季友愛甚篤講孝悌禮讓之節家有別墅栽花種竹時

與二三知己對酒彈琴客去正襟默坐時觀道書戚友借貸慨予之囑母償鄉鄰仰其德謀贈綽楔堅辭不受子五人鍾瑤字毓山魁梧奇偉工詩善射讀書穎悟弱冠觀校射戲入場學憲奇其貌取入武庠後登進士著有騎射心得一卷鍾瑛監生鍾琬字圭山監生事親曲意承志兄鍾瑤鍾瑛早世鍾琬待姪如子處寡嫂有恩後以生齒繁與兄鍾琚弟鍾琅析居良田宅輒相讓兄弟終身無間言遇事必思於人有濟功則推人過則歸已人多感戴鍾琚武庠生鍾琅監貢

王相印一名贊廷字平章監生性孝友事親色養無兄弟一姊二妹姊適劉氏家極貧衣食器物嘗親饋送值冰雪雖履破足傷不以為苦後迎養於家至二甥成人代贖地數畝始任其歸妹一適劉亦貧為甥成室並為治產伯叔有不能自立者扶持之

商水縣志

卷十八

人物志

十

乾隆五十一年大饑相印家無餘糧糴之外境賒於鄉鄰後亦不索其償所買董姓奴婁姓黃姓婢及歲豐各歸其父母使自婚配並為妝貲以與之嘉慶十八年歲又饑其傾財濟人亦如之子鳳至歲貢生自有傳

李維先字繼祖監生父鍾瑛早世母教極嚴維先奉事無怠容言動悉承母意雖盛暑見母必整衣冠出入稟命母病侍湯藥晝夜不眠人來慰問感泣拜謝已或有疾不使母知母不怡必詳察而曲解之里有訟端維先至數言即平子護公邑武生孫敦仁宣統己酉拔貢

胡廷棟字屏甫歲貢生幼失怙與弟廷臣友愛甚篤廷臣幼質敏好學為延師課讀早遊泮旋登乾隆丙子賢書鄉鄰有難兄難弟之目以曲成仲氏榜其門

李煥章字繼堯善騎射體貌豐偉中嘉慶庚午科武舉性至孝因雙親年老膝下承歡弗忍遠離不赴會試妻李氏亦孝有傳子孫多人庠食餼者

周紹孔庠生洪善孫忍讓廉慈與人無爭道光間與從兄紹忠析居紹孔念諸兄弟生齒繁諸姪尚幼將已應分祖業推讓少取紹忠兄弟再三辭而後受鄉里稱其悌讓孫榮甲庠生殿甲慶甲皆儒業

李振軍武生字學程九歲失怙析居與同母兄叔氏同爨幼嗜學童試屢前列不售以武試入郡庠道光己酉科某藩憲分試東闈羨振軍英勇欲羅致門下使門丁致意許中高榜振軍恥枉道獲名辭不應竟落孫山外遂絕意科名居心長厚貲產雖薄遇鄉黨困難施予不吝常憾失怙早未得盡孝養每逢忌祭風

商水縣志

卷十八

人物志

十一

雨必親長兄家中落振軍隨時補助生養死葬皆慨任之嗣以食指繁與叔氏析爨家產什物讓兄自擇毫無爭較咸豐間捻匪猖獗知縣汪知振軍才可用委辦鄉團振軍訓練有法丁巳秋匪大至振軍率鄉團禦賊於縣西任橋與邱軍門兵合議定兵前勇後時匪衆兵少少挫勇亦潰振軍僅以身免亂平以辦團出力獎六品銜振軍曰吾率團不能勝任致勇死者枕藉豈忍以衆命易一己之榮乎堅辭不受晚年詩酒自娛與項城名士張安雅爲契友適安雅館屠宅往來過從吟詩飲酒必徹夜子廷寶增生就教職著有芸窗詩草廷寅績學早世孫樹芬毓芬

惠殿元字步魁監生急公好義道光三年倡衆重修巴村橋咸同之亂糾同人築寨本村捍衛鄉里平居恂恂一家雍睦五世同

堂與妻王氏同壽九十餘歲同治十二年知縣蔣會圖匾其門曰九十齊眉子孫繩繩六十餘口無間言

李騰蛟庠生事父鍾琚承顏視志學問根抵六經宗法程朱躬行實踐小學孝經近思錄諸書日爲家人婦子講解綱史以朱筆標記額爲之滿摘錄先儒語錄十餘卷拳拳服膺平居終日端坐衣冠修整與人交無疾言遽色謝絕外務足不履城市從父鍾瑤登武進士沒於京櫬返謠傳僞死騰蛟承鍾瑤嗣以爲大憾每北望燕雲臨風灑涕事嗣母王氏極孝王氏痛夫失明騰蛟周旋左右未嘗少離嗣母歿一慟幾死殮葬後樹石墓前時往哀臨徬徨不能去騰蛟無子以兄維先子渭公嗣

史運芳字清遠歲貢性忠厚與兄春芳秋芳相友愛五世同居有張公遺風家居授徒不計館穀成就人才甚多與族人貢生史商水縣志

德辛同爲一鄉之望咸豐間縣主命督修汾河隄監工不避風雨又捐貲修十字河橋同治初倡修本村寨堡以衛鄉里子魁名弱冠入庠姪題名監生累世書香不替

李華字春圃監生性至孝母患癱每食必手捧以進歷久不懈家貧以肩販粟米爲生父母歿無貲營葬盡鬻所有以治喪後得糧商助濟家漸裕遇貧族不能婚喪者厚卹之族中子弟延師教之光緒十三年河決鄭州周寶被災華首倡捐賑隨時施濟復出貲重修二板橋嗣子樹滋能體華志宣統二年沙河決白帝村被水者衆樹滋慨捐五十金又約各紳商集五百餘金購米百餘石親爲賑濟

王殿珍字聘臣監生祖崐監生素忍讓好善樂施父錫山殿珍性豪爽座客常滿有張某負金數百不能償殿珍焚其券其人感

之以雅度春風額其門有友人經商貸本金百餘緡折賠殆盡或疑之殿珍曰渠樸實必不欺友聞益感愧至於修城隍廟及試院文富書院社倉惜字會諸善舉出力助貲殿珍皆爲首倡爲鄉鄰排解設筵償金以爲常遇貧不能存者周濟之嘗出紙幣外負太重業不抵債仲弟殿傑字卓臣出嗣叔父錫成性孝友見兄負累慨然曰弟不忍兄負人傾家貲千數百金並典田宅仍不敷又稱貸而益之三年紙幣始完歸殿傑受病已不支矣殿珍禱於城隍乞默佑季弟殿卿願以身代殿傑竟不起時光緒戊寅也殿珍痛弟之亡哀動鄰里教其子有恒有訓皆入庠有容有恩皆能自立

郭振標幼失怙恃兄弟友愛篤至與從兄析居推讓田宅光緒間汾河隄決村鄰被災振標捐貲倡築隄口鄰里賴之

商水縣志

卷十八

人物志

十二

賈福泰兄弟二人父早亡母改適生一女又寡貧無以養福泰與兄福貴躬耕養母嫁異父妹兄旋亡福泰獨力供養母歿貸錢買棺葬之哀痛號泣感動鄰里

王鳳山早喪父母多病咸同間嘗負以避亂肩挑貿易以供旨甘出必告所往母病篤親嘗湯藥晝夜不眠者四十餘日葬後廬墓百日哀毀過甚人稱其孝

葉凌霄字向斗監生性恂謹事繼母以孝稱讀書喜看綱目子二繼亡孫一姪海容幼失怙撫之成立早入庠旋食餼尤好施與每逢饑歲必出粟給貧鄉里感德

朱耀先字榮祖幼失怙事母極孝長承兄教知嗜學及入庠就外館每得異味必歸奉母兄孝悌之稱族黨無間或家居授徒不受貧家子脩貲並助之筆墨被造就者良多村有盜屢竊其財

爲子所獲耀先勸戒多方不加呵責復與以糧遣去後盜改行自新遂成善良

雷南海字炎洲天性孝友析居後父母生養死葬皆自任之兄早逝撫兄子如己子弟游蕩敗家南海將已業盡與之妻井氏有淑德絕無怨言避居周鎮遣子騰輝入義塾資肩販以助讀艱難備嘗騰輝刻苦自勵早餼於庠人以爲孝友之報

陳建邦字勲臣天性孝友父年老步履艱難建邦出入扶持必敬必慎十數年如一日咸同間捻匪突至家人悉奔竄建邦攜女與姪赴城途中匪逼愈迫勢難兼顧竟舍女抱姪而去女後亦爲鄰人救還家素封遇善舉無不慨然樂輸施小兒風藥全活甚衆至今鄉人稱之

蕭錦文監生兄弟五人友愛甚篤治家寓嚴於寬季子明祥庠生

商水縣志

卷十八

人物志

十四

孫曾文武列鬢序者六人五世同居六十餘口耕讀以外無他營鄉里羨之

張體泰忠厚樸誠治家有法凡事忍讓不與人爭壽一百五歲猶健步手不持杖二子侍側皆年近八旬孫曾繞膝一堂孝友鄉里羨之蒙恩獎賜六品

訾金章忠厚傳家耕讀爲業子六孫十三曾孫二十六元孫二五世同堂男女六十餘口雍睦無間孫鴻典和平長厚有祖風鄉黨稱世德焉

石含雲監生五世同居子三孫六曾孫一元孫一一家四十餘口壽八十七

党逢吉性溫和事親先意承志父歿哀毀喪葬竭力母老逢吉出告反面定省無缺及歿盡哀以葬鄉里皆稱重焉

邵茂林性耿介重然諾五世同居子三孫六曾孫十玄孫一男女三十餘口一家雍睦茂壽八十七

吳鎮南少孤家貧甚每樵得錢必市甘旨以奉母而已食藜藿數十年不懈人稱其孝

王清俊武生義方教子仲子恒年庠生姪豐年永年瑞年俱入武庠同爨五十餘口五世同居耕讀爲務清俊壽九十有六

趙宗文五世同居家法嚴整子弟耕讀爲業曾孫啟莘精岐黃術輯有眼科秘訣貫珠四卷選擇捷要一卷藏於家

陶允年性敦敏愛讀書門內肅若六世同堂雍雍如也

李璽文性質樸有孝行耕讀傳家五世同居壽八十九

胡萬豐字仲年監生性孝友父天樞早逝家貧甚事母菽水承歡待弟萬澄友愛備至棄讀業商家漸豐兄弟怡怡相敬如師友

商水縣志

卷十八

人物志

十五

出入與偕皆兄先弟後食必同案萬豐或不能歸囑萬澄先飯勿候歸必袖菜果或酒餚供母與弟共侍飲食萬澄亦然所置田產約契均書堂號不書各人姓名嘗云兄弟如手足不可令有傷也門內肅雍不聞詬誶聲里人爭羨慕焉

李春泰字景和庠生金玉子也父早世事母克孝母患乳癰卧牀經年春泰晝夜服事衣不解帶延醫調藥不少懈母歿哀毀逾禮事繼祖母尤善養志與叔父析居財產一無所擇人以爲孝張嵩幼失怙事母以孝聞兄崗嗜博祖業百畝爲崗償賭債典賣殆盡衣食不給無怨言賴嵩勤儉持家未至凍餒兄歿姪肖所爲嵩屢禁不聽且出忤言遂分爨田宅器具任姪所擇教家以禮凡觀劇燒香諸惡習力禁之傳爲家法

劉立亭庠生銅崗孫庠生紹孔子事親孝母歿哀毀骨立以父鰥

力勸再繼奉如生母見者不知爲前子鄰里有事代爲周全遇貧者解囊助之

張蘭亭字芳園孝友惇謹重義輕財仲弟出嗣產薄蘭亭割良田數十畝益之有故人子揮金如土以膏腴田向蘭亭廉價求售拒曰予與令祖屬通家不能勸汝改過敢因以爲利乎初應童子試府縣俱前列院試因疾未入傷曰命也改業岐黃務求其精鄉里沈疴多賴以起不市藥不索謝有以金酌者固卻之非義一介不取族人鳳卜孤苦無依病垂危醫皆束手蘭亭診視代購藥物卒就痊蘭亭歿前二夕聚族人飲曰此酒食吾實饗受身後勿再爲無益之舉作佛事尤吾所惡也汝曹切戒之極歡而罷越日竟卒壽七十三子靈淵庠生曾孫秉初秉裕入郡庠

商水縣志

卷十八

人物志

十六

王丙南天性好善家貧修橋補路施舍財物量力所能爲之無倦親歿廬墓百日不避雨雪年七十卒

張士舉附生事親備極色養奉叔父母亦如之父克睿與叔父克勤析爨士舉周旋其間仍如同居克勤病篤約親族至曰吾姪孝思純誠雖死難忘今日設筵相招特表吾姪之孝也

王泰宣性孝友家有薄田二十餘畝泰宣盡讓於兄泰恒母垂老泰宣傭工自養家漸凋零兄卧病泰宣賫貲自外爲兄延醫診治親嘗湯藥鄉里稱之

顧九江品行端方教家有法耕種外無他務子二昌元昌榮孫二成章龍章曾孫四元孫二繩繩慶衍鄉里以五世同堂匾其門李蘭升字馨庭歲貢生忠厚端方父早逝事母王氏曲盡其孝田宅佳者推讓弟姪自居空宅教讀爲業不計脩貲貧者且周濟

之弟蘭奇入武庠性豪爽好抑強扶弱鄉里德之子樹芳候選州同孫曾均能世其家

趙金麟字騰霄幼聰敏少孤事母冷氏曲承其歡得食物必均分諸昆季而後快他人有所得未嘗與爭祖母王鍾愛之遭母喪哀毀踰禮二弟祥麟出嗣早亡遺孤世珍保愛益篤延師課讀教之成立家貧出貲使營商業漸臻充裕三弟德麟晚年廢業周濟不遺餘力德麟歿撫姪世瑩教養兼備弟婦歿衣棺殯葬皆已任之咸豐初年捻匪充斥金麟偕同人修周口河西寨衆賴以安知府劉公拱宸嘉其功獎以縣丞銜家教甚嚴子世珣入庠世璜世琛世瑨皆克繼先業

王書田監生性孝友事父鴻儒承顏順志事兄循循無違禮伯兄心田出嗣仲叔皆早世待孀嫂有恩嘗開藥店負不能償焚其券施藥魚治產後風數十年活人無算咸同間避亂居城知縣汪以舊城傾圮難資捍衛聞書田老成練達諭令監修不辭勞瘁又增修試院城隍廟本村橋梁遠通寺皆鉅工不惜傾囊相助以長子凌雲承仲兄方田嗣次凌漢廩生承嗣三兄錫田次凌波監生

董國勳監生天性孝友胞伯七林從兄丙寅皆老而貧生養死葬國勳慨任無吝色族中孤貧者周濟之雖多不厭也姊適張姓孤寡無依迎養以終歿爲之葬妹適葉姓亦貧供給柴米二十餘年至代償王謹行息錢二百緡當吳豹林地五畝交回原約不索價孝義之行孚於鄉里

蘇振海監生幼失恃繼母王氏性嚴勵振海委曲承順王怒輒以笑語解之不可即跪請罪必回怒轉喜而後起周旋庭幃數十

年無忤容

崔相林治家有道孝友咸風六世同堂五十餘口

石玉清增生孝友性成事父母處兄弟內外無間言戚鄰有急必周之又精醫術同治間劉帥士奇病垂危聞玉清名敦請調治病愈劉感激稱莫逆交及劉移節他省聘玉清參謀軍事如賓師玉清曰天倫可樂子職當盡舍骨肉而就富貴吾不忍爲也堅辭不應

張民監生性孝友兄濫賭蕩產每負債責民償無不勉應一日牽民驟去問所用曰償賭債民託人婉商與錢四十緡贖回兄歿養嫂以終兄女具妝嫁之

楊華春性至孝母年九十六患目華春爲母病施茶修路重修盧廟橋爲善歷久不倦皆一念真誠欲格天以愈母疾也鄰里咸

商水縣志

卷十八

人物志

十八

以孝目之

周套天性純篤幼失怙家貧事母至孝夏日扇枕冬則以身温被母病癱動履需人出入皆背負之飲食捧授母或有不悅長跪涕泣請杖及歿哀毀逾禮竭力營葬稱其孝者無間言

梁鷓鳴字和臣武庠生性孝順事母白氏曲意承歡母年七旬患痿疾步履維艱侍醫藥寒暑不離側母出入背負以行如是者八年母歿殯葬如禮每逢忌日輒追思哀悼終日不食至今人稱其孝

何其均字平之號可亭增貢生廉介自持讀書以道德爲歸經史精義先儒語錄多得要領秋闈兩薦未售平生孝義克篤咸豐初遭捻匪亂其均惜父過勞凡百繁劇皆以身代未幾父以抽稅事赴省申理知縣聯奎爲局務關繫延其均爲父庖代時胞

伯甲榮痿卧在牀母雷及二伯母劉皆患病醫藥飲食親爲調護公私操勞未嘗貽誤咸豐六年父卧病省垣得書悲莫能勝家人詢之秘不宣夜半索騎往時大水徧地途次寂無人聲茫茫不辨方向身墜陷坎者再侍者扶出勸黎明再往不聽行二晝夜抵省見父病劇侍湯藥寢饋俱廢父尋愈人以爲孝感祖母程胞伯甲榮與父相繼卒蹠躐三喪哀禮俱稱十數年來家庭多難喪葬訟累處之裕如周口南寨北壓吳公堤屢經水嚙剝削殆盡其均偕邑紳王松齡力加增築擇衝要處督修石壩河南藩憲吳奏辦賑捐設局周口延其均司其事以義務保縣丞其均性方直好面折人過多怨望乃謝絕公事越二年南陽鎮牛公來鎮見局務廢弛召邑宰責之縣主李敦促復出不得已重整局務光緒十六年御史劉奏請周口設保甲委前衛輝

府知府陳硯堂爲總辦事屬創始延其均經理乃悉心籌畫多可經久繼額臬司勘驗大爲獎勵予以功茂橋梓匾額山右鎮軍張保奏以知縣用著有日誌十餘卷寢疾時焚其藁卒年六十六弟其坦字履之國學生讀書過目成誦幼有神童之稱九歲以疾盲四子書貫熟胸中家居教諸子弟講解無訛趙體乾字健侯性孝友居母喪哀毀逾禮事父朝夕奉養無稍懈弟病篤憂戚不食喜讀書終日手不釋卷家貲雖豐居嘗布衣好周人急重然諾有古風

周紹先字繼祖監生性孝友諸事順親父喜鈔勸孝文感應篇陰騭文諸善書勸化鄉鄰紹先即刊板印送父愛橘惡籠鳥紹先痛戒子姪勿作禽荒廣購橘柑各種數百盆親自灌溉父常於橘叢中飲酒自娛母有不悅紹先必愉色婉容問曰身體不安

乎諸婦不順乎多方慰解必親悅而後已嘗與諸弟講文公家禮及先儒格言居親喪盡哀盡禮服闋析居房田器具悉任弟擇有族兄某揮霍無度強佔紹先市房親鄰皆代不平紹先處之坦然徐曰此祖宗遺蔭當與共之嘉慶十八年歲饑鄉鄰親族求助皆欣然應諾借貸悉焚其券道光二十三年河決周口北盡成澤國紹先損貲駛舟救難又以糧米散給災黎每冬大雪尋乞丐所在施以湯飯又常施藥餌紹先年逾四旬無子爲善益力後生五男之楨庠生

趙名山幼孤事母孝咸豐九年捻匪突至欲刃其母名山以身衛之泣求代賊義釋之得俱免

李在公字敬職田僅數畝力耕以供孝養每歸自外必攜甘旨以奉親父衰老步履維艱動則身負以行終日侍側未敢遠離有

商水縣志

卷十八 人物志

七十二

妹適賈姓家赤貧在公無力周濟爲貸錢二十緡鬻已田以償之鄰有趙姓兒婦溺死將構訟在公極力排解暗助已財事乃平光緒十三年黃水薄渚河北隄在公率衆堵修晝夜不懈壽

七十二

李敦典字承修越朋子母患癰偕弟敦訓奉事不離側歷八年如一日母卒哀毀逾常兄弟友愛老而彌篤家近渚水北岸舊堤薄削每當水勢暴發敦典兄弟日夜防守率衆增築好施予親族借貸有求必應不索償

李鶴鳴性誠樸佃田爲生事母至孝每飯羅致菜蔬必以甘腴進而自食粗糲供主人役竭盡心力經手財物絲毫未嘗染指時人號爲李呆子

王梅臣字連魁性恂謹事親至孝居父喪痛死復甦者屢母歿每

見老嫗形貌似母者淚涔涔下孺慕之誠終身無間

張應舉字掄升家極貧事親菽水承歡與兄應科早分爨兄卒子無以自給應舉撫育之凡事先姪後子家漸裕置買房產立契多書姪名慮後分產不均也從兄早歿遺寡嫂貧甚每冬雪連綿必調濟之或以粥食其女及笄爲備妝嫁之

苗由之家極貧賣油爲業早喪父事母定省無缺母歿竭力營葬哀毀逾禮每父母誕辰忌日墓前致祭悲痛號泣竟日勺水不入口如是終身卒年七十四

李中彪字鳳山善騎射以童試第一入邑庠性孝友出告反面無違禮一日事急擅赴外家母重責之跪受無愠色每視膳問寢坐食進退惟親命事二兄情義篤摯常同食衾兄逝撫姪如子延師課讀督責甚嚴家教爲一方式

商水縣志

卷十八

人物志

二十一

孔憲文字錫九與弟憲成友愛甚篤終身無間言憲文性耿介好讀書兼工繪事投筆從戎積功保府經歷鄭州決口災黎遍野襄辦周口粥廠德惠在人晚年畫益工爲人珍重壽七十餘子慶萇縣丞有才幹亦工丹青

張樹芳性至孝父克寬卧病二年樹芳日侍湯藥不離側暑月寒宵爲父扇枕煖被飲食必問所欲以進晚年子孫滿前人謂孝順之報

唐步錦性忠厚過人勸善規過誠溢於言終身無口角嫌與弟東海相友愛遇事商而後行白首無間嘗倡捐重修永鄉寺任勞不辭

婁重儒事母孝怡怡承歡無少忤母歿哀毀踰禮數年後每逢時薦猶涕出不已

郭東明天性孝友幼失怙家貧如洗母老怡顏承歡欲有所往扶持負荷值嚴寒身爲溫席日用雖艱不使母知如是者數十年鄉里稱之

許景槐字明卿監貢母王氏家訓極嚴景槐委曲承歡寢膳必親母病醫藥必親嘗母壽八十八事之如一日與弟景洵析居毫無計較尤急公好義遇公事欸絀輒解囊助之濟人急難不可勝計望隆梓里

王自修性友愛兄純修卧病數年手調湯藥不離側遇事必詳細陳明不敢自專兄老白首猶事之如嚴父云子雲錦庠生

王兆鳳字鳴岐幼失怙事母至孝菽水承歡每事求順親心母歿哀毀逾禮每值已生日暨父母忌辰輒終日不食祭奠墓前徬徨不忍去兄兆祥早逝無子嫂汪氏苦節純孝兆鳳命長子觀

商水縣志

卷十八

人物志

二十二

濤承嗣事嫂無缺禮居恒常以未得孝親爲憾事母舅如父舅氏歿舅母無養與田數畝以供餽粥有姑家貧歲時問遺以爲常遇親族有急難無不量力貲助嘗與人共商業某負累千金無力償不與較光緒十三年黃河決周口北岸盡成澤國兆鳳助嫗家李某錢數十緡又雇舟以濟難者子二觀濤早歲入庠食餼爲知名士觀潮監生

胡存忠字用庵性至孝當捻匪亂存忠奉父母逃難顛沛流離備嘗辛苦咸豐九年十月周口焚掠一空時避亂華河父慮無家可歸憂鬱成疾存忠多方慰解終不釋一日有友至存忠授以意謂來自周口見其居室如故父憂方解委曲承歡類如此

曹某東馬坡孫莊人兄弟皆貧而鰥佃田爲業友愛甚篤衣食貨財無稍私出入必偕遇事商而後行伯病仲延醫調藥廢食忘

寢對天泣訴願以身代仲有疾伯亦如之仲冒風求汗冬寒無被伯解衣覆之仲適市饑甚購炊餅二留一遺伯伯折半與仲相讓久之此雖小節得之鄉愚難矣

李維贊字襄齋監生性孝友母病盲維贊左右扶持人過母前必曰某某遇物詳告以形色母生辰設盛筵聚子姪輩談笑以博其歡母素嗜棗必親手剝以食之母壽九十七失明數十年不覺其苦兄弟友于甚篤仲兄出嗣胞叔推美讓甘遇事必商於長兄而後行以善相勉終身怡怡無間又好施予咸豐間創修甄寨不辭勞瘁費三千餘緡獨任之工甫竣而賊至保全甚衆光緒三年大饑襄鄆一帶饑民就食者踵相接維贊日坐門前按口給糧夏施茶水冬給衰病老弱者以衣村內設逆旅以便流民又設義塾以教鄉里貧家子弟歲晚告助盈門遇婚喪力

商水縣志

卷十八

人物志

二十三

不給者慨助以金佃戶累負悉焚其券生十女晚獲二子長榮公監生次泉武庠生

李勲公字蓋臣監生咸同間捻匪突至勲公隨父維賀避鄧城遇賊父驚墜馬促勲公逃去泣曰願隨父死賊至義之得免於難李棟公字朝幹庠生家貧嗜書夜以香火照讀性孝每在外得美味或時物必遺母母歿哀毀父老不忍遠就外館族叔維賀屬代理家事簿記甚詳分外毫不妄取維賀憐其貧周之堅辭不受

李護公字國幹武庠生事親孝敬無違遭捻匪亂母年老多懼每聞驚耗不使母知或倉猝不及駕車即負之先奔不顧妻子嘗夜半避亂遇雨車不能進忍饑負母行數十里乞食以進母患驚悸禁人高聲道捻匪事兄渭公出嗣從叔維雷所有田宅任

兄割取或費用不給有求必應終其身無怨言道咸間戎馬擾攘附近創建遵道來薰利和等寨護公輸財督工辦理鎗炮諸器及防守事宜晝夜操勞廢食忘寢鄉鄰賴以保障姊適劉姓家中落子早亡歲時周濟妻有孀姊年老無歸迎養於家歿葬之並屬請旌佃戶楊姓彭姓耿姓死者俾葬已地贖有孤兒寡母時給薪米其他媼姪無依者或養或葬不勝舉光緒三年大饑族鄰積年借貸悉焚其券又各爲補助家非富厚惟自用節儉以給貧乏常曰升斗之粟何能濟衆聊以行吾志耳壽六十二子五季敦仁宣統己酉拔貢

李廣儒歲貢生天性孝友兄廣進中年夫婦俱逝遺子東榮僅四歲廣儒攜與同居撫如己出授室後復給田三十畝宅一處使資以養

商水縣志

卷十八

人物志

二十四

趙榮先字光前樸誠忠厚少孤事母孝飲食必親進妹爲母所鍾愛嘗屬榮先曰予止一女汝善視之于歸後母逝每年節榮先必親問遺或遣子省視病爲延醫調治終身與人無爭壽七十

三
王丙寅字離齋質魯而好學壯年入庠旋補增廣生承從伯嗣色養備至伯歿復與胞兄合炊兄嗜博每負輒卧數日不起食丙寅代償賭債勸勿再賭如是者數處族鄰極厚麥秋往視田遇竊麥者遠避之恐見而增其愧收麥時每一段屬佃戶留一二分以與窮民歲以爲常人多德之子志澁性沉靜好學能文處世渾厚有父風

王世興天性惇樸父早世事母孝敬無違兩弟亡勞苦事不責弟婦平居睦族恤鄰排難解紛鄉里頌之

王松亭字茂修監生性孝友事親先意承志父成祥善草書冠絕一時素好客談讌無虛日性嚴急稍拂意即怒叱之松亭每跪請罪不命之起不敢起兄雲亭棄儒就商在周鎮開設船局父歿松亭遂往贊助雲亭知其質實局事悉委之家業漸興松亭嘗語人曰兄待我厚服勞分也雲亭性豪爽仗義疎財同治間與同志創設崇正書院光緒十四年河工解料獎五品銜一子歿以松亭子萬齡兼祧時萬齡已入庠後雲亭連舉二子尙幼而雲亭歿延師課讀萬齡力任之松亭病篤囑曰我一生敬兄汝待弟宜過於我遵吾遺命吾瞑目矣萬齡教養兩弟恩誼兼至可謂善承父志矣

王之綱庠生兄弟四人家貧析爨輪養父母之綱備極甘旨又恐值兄弟家不飽日買餅餌助食光緒三年歲饑弟食指多之綱

商水縣志

卷十八

人物志

二十五

以已糧助之得免於死強族有不理者不與較嘗曰天不虧人惟以詩書爲樂壽八十二孫明廷年十三入庠

張培仁字體元少孤事母王氏定省無缺母失明奉養尤謹三十餘年無怠志居喪哀毀骨立三年不離柩側既葬歲時祭祀必躬親人稱其孝

鄧復性字培初歲貢生性純孝忠厚樸訥幼失怙恃哀毀如成人每遇誕辰忌日悲泣不能止授徒先躬行而後文藝多所成就周南字岐陽父修易庠生精痘疹濟人無算未嘗市藥索謝孝親友弟務盡其誠南承庭訓入郡庠家貧舌耕養親居母喪衰毀逾禮父疾奉湯藥不懈市宅以供甘旨及歿衣衾棺木竭力經營葬後家無長物人以爲難壽六十七歲子麟德精眼科

王宗靈重義輕財好周人急族人多沐其恩與弟宗魯析居財產

什物皆讓弟擇取債獨歸已自償宗魯以兄分空地不忍自便將已草房四間莊地畝餘復讓於兄兄家中落宗魯又給良田五畝資兄養老其相與友愛如此

李勉之字敏齋庠生孝行篤至母老多病躬侍左右衣不解帶者數年嘗中夜焚香祝天願以身代爲母持齋刊印文昌經訓及孝經等書施送四方

錢文田性孝而愚家赤貧鬻粥爲生日常斷炊獨奉母無缺禮母性嚴恨文田質樸呵責時加文田喜笑自若小杖則受大杖則走作兒童態俟母怒解乃前跪請罪乞母愛憐惜壽命不永三十餘卒

胡克周字召南武庠生事親能作孺子慕父存綱卧病奉事湯藥衣不解帶聞父聲息即問飢渴寒暄始終不懈尤能友愛兄弟

商水縣志

卷十八

人物志

二十六

怡怡無間言重讀書下士禮賢光緒間於馬王廟創設風香社延師課士脩金膏伙獨任之每秋闈各有餽贐又與同人創辦靜遠書院修造堂室經營欵項勤勞著績十數年成全頗衆士被其德以美比菁莪奉贈子裕芳光緒己丑恩科舉人任獻縣鄆師知縣邑中善舉多贊成

王學禮五世同堂一門和順孝友之稱人無間言

韓家榮祖與父皆早逝孤苦難堪事祖母與母生養死葬無缺禮人稱其孝

陳憲章字紹斌庠生家甚寒事父衣食必豐美父歿哀毀骨立朝夕供奠寢處不離柩側者四年

郭同德事母至孝出必稟命母歿遺屬終身不忘

王燕翼庠生素行端方事繼母尤善養志且精於醫不市藥索謝

親鄰多感佩云

郭鳳閣父有廢疾不良於行所欲往必負之務適其意

王萬里字永清家貧甚兄弟四人萬里經商以供甘旨一日諸兄盡家所有輦以去萬里歸慰母奉養益謹初無怨兄意母嘗對人曰非季子吾早爲泉下人矣其孝友如此

郭燠字燦亭家貧苦讀書廟中縣主葉愛其才夜課以文年十七以府試首選入庠旋補增廣生教授生徒多所成就精眼科喜讀陰騭文覺世經等善書與弟析居獨力養母母患瀉卧牀四年餘燠事之無厭苦意弟歿衣衾棺木皆燠爲備

以上採訪稿

王楷憲性恬退好讀書不驚名利一生足跡不履城市事父母曲意承志與弟欣憲友愛甚篤家務委弟自處一室晨夕諷誦兄弟怡怡遇事商而後行老猶同居精岐黃術施藥濟人譽溢鄉

商水縣志

卷十八

人物志

二十七

里

王學易字希天家貧嗜讀教授鄉里資館穀養親母或不懌爲俚歌以博其歡母歿哀毀異常父鴻章經商周鎮學易以不得定省爲憾後就館附近每課餘趨侍寢膳滌溺器冬則衣裘食鮮友愛兄弟無間言年四十卒人多惜之

李金章庠生性友愛雖出嗣伯父兄弟不肯析居母失明奉事惟謹病則親侍湯藥晝夜不離側田僅數畝資教讀以養謹守禮法不干外事鄉鄰賢之

王鍋與弟渥友愛甚篤家貧皆未娶父母早逝負販爲生鍋每往市渥具食以待鍋不歸不敢先食倚閭而望至則問寒饑爲釋重負渥在外有所食必袖其半以遺鍋一日渥夜歸鍋泣勸曰隆冬夜行風寒盜賊獨不慮乎萬一不測誰憐之渥伏首受教

反爲甘言以慰鍋有面諛其兄弟者不加喜或語近離間即毗睚以報之無何鍋死貧無以殮鄰人慕其義爭助之不受強而後行渥終日鬱鬱未幾亦死

王貫章天性孝友弱冠廢讀歸耕父慎修患痰喘事之甚謹非耕耨不離左右父少不懌必歷引順心事以悅之父時爲擣菹戲貫章曰驗父囊務使充盈伯兄性爽直好辯爭每笑而受之仲兄因妻財治田數十畝俾貫章代耕貫章後病垂危謂妻曰我一子尙幼我死賴伯教養然必請親族析居恐子長見二伯產多怨望致吾兄有欺孤之名其善處兄弟多類此

李敦元字乾一幼孤苦讀書即知即行不爲章句學身弱多病遂絕意功名母性嚴委曲承順務博其歡母或不懌引罪自責非意解不敢去持身公正動必以禮見有言行不檢者無少長面

商水縣志

卷十八

人物志

二十八

責不貸恃強欺懦者力抗之遇人危難竭力營救赴湯蹈火不計也乃年踰三十而卒惜哉

張廷輔字棟臣庠生性剛直每盛怒母一言即解光緒甲辰遇劉姓母以子不孝將送官輔以孝慈百方勸喻母子俱感泣相愛如初

支樂山監貢事親和顏悅色待諸弟友愛深至精醫術請無不至晚必歸侍定省親歿喪葬盡禮父母諱日不飲酒茹葷必詣墓前致祭弟龍章業農來章業儒兄弟怡怡孝友之風里人稱羨王自有字懿庵少赤貧稍長營商餬口性孝友繼母趙以疾盲自有親進飲食扶持步履十餘年無稍怠仲兄困乏常周給之胞姪啟玉啟禮貧不能娶自有代爲經理爲從姪成室亦如之爲人緘默厚重一鄉推爲長者

庠生周制禮字新法一字欣然號泝濂父紹宗字繩武誠樸端嚴制禮幼承父訓即不與里兒戲長好讀書學宗濂洛以飭躬克己爲務督學景其濬按臨拔置第一家居授徒採芹食餼者衆終日端坐靜氣襲人以補過名其室母劉氏家法極嚴有小過必切責之制禮齊栗受教年六十餘猶跪而受杖非母命不敢起女弟適黃姓貧甚母每憂形於色制禮曲體親心周濟之咸豐間連橋之亂制禮被匪擄去賊予以雞子脅之曰從吾則生否則殺之乃抗節不屈投卵於地曰我秀才周某父母離散寧貪生爲逆耶賊義而釋之途遇官軍告以賊情虛實遂獲大勝骨肉賴以團聚因是留心時事練鄉團築寨堡守禦城池倡辦公益饒具熱心至六年巡撫李鶴年以防守出力獎勵五品銜性剛貌肅雅重氣節能任大事臨財不苟常以繩已者繩人人

商水縣志

卷十八

人物志

二十九

坐是亦敬憚之著有易經集解惜未付梓年六十有九以壽終子蓮堂庠生以督濬河工知縣文械請獎五品頂戴女適趙姓自有傳孫二銘鼎鈺鼎

李樹楷字平甫父棟榮字甄之監生嗜書敦品絕意功名以花鳥自適好施予見人急難輒傾囊相助至戚賴以舉火者數家樹楷績學未售援列入成均性雅潔有父風讀書餘暇種菊養魚以爲樂一時名士喜與交遊友人李敦仁贈有比鄰連市僧閉戶謝塵囂籬菊重陽酒盆魚二月苗之句一生慎取與家居授徒諄懇不倦待弟友愛甚篤分爨後歲時贍給並置妝嫁姪女三人弟亡樹楷悲至失聲爲理葬具姪亦旋天遺弟婦養之一門雍睦鄉里同稱

張含章字蘊輝歲貢生學問淵博教人先德行後文藝遊其門者

採芹食餼指難勝屈爲文興高彩烈晚年歸於簡老碑刻文字
競相傳鈔有異母弟與含章析居含章獨自奉母田宅令弟自
擇及弟蕩產破家求與含章換宅含章允之其孝友已可慨見
曾孫宗樓庠生

張靈淵字心睿庠生品端學正訓士有方後學多賴成就母郭氏
患目疾疼極欲死靈淵延醫調治晝夜侍奉衣不解帶者數月
母疾漸愈人咸以孝稱

周仲連字筱魯兄弟四人幼失怙賴胞叔紹宗撫養成立兄弟友
愛甚篤仲連放達不矜細行讀書畧通大義不求甚解家事悉
委諸弟得失不問也平生不交權勢以棋酒自娛常肩荷一擔
入山採藥易酒差可自供不求贏餘時或獨釣烟波烹魚自酌
咸同之亂人爭奔竄仲連獨負藥囊優游林野或勸其入城應
之曰我與世無爭人於我何害匪至與之言笑自若匪稱爲癡
人服其保身之哲不可及也年七十以壽終

忠義

後漢

袁祕字永寧忠子也爲郡門下議生黃巾賊起祕從太守趙謙擊
之軍敗祕與功曹封觀主簿陳端門下督范仲禮賊曹劉偉德
主記史丁子嗣記室史張仲然七人以身扞刃皆死於陳謙以
得免詔旌祕等門閭號曰七賢

節後漢書袁闕
傳參謝承書注

明

劉嘉允庠生河間別駕劉芳之子也天性篤孝父疾嘉允衣不解
帶湯藥親嘗父卒事母益謹崇楨辛巳十月之變城將陷家人
請逃難嘉允曰吾母八旬若草露倚我而生我去母安賴城破

負母走賊哀而釋之後遇一賊殺其母刳嘉允使從嘉允大罵曰賊奴無君更使我無親乎吾將從母地下遊耳賊又殺之至死罵不絕口

張質進士任山西臨汾縣知縣以內艱歸里足不履公庭處鄉黨言貌謙抑恂恂如也崇禎辛巳之變家人皆逃去質曰我爲朝廷臣子在官在鄉義無二也有死而已城破賊強半皆西人感質德政爭迎以事質惟願速死賊遲回者再不得已殺之後五日方殮顏色如生事聞於朝贈禮部主事廕一子奉祀從祀忠義祠

張坦庠生天性純孝父早亡與妻金氏事母定省無失崇禎辛巳之變夫婦俱被執坦義氣凜凜挺然不服賊怒殺之至死罵不絕口金氏見夫死大罵賊被殺教諭喬時傑捐俸金二兩助葬

商水縣志

卷十八

人物志

三十一

舊傳金氏列入列女志以上舊志

傅嘉言監生少失怙承母惠氏義方之訓勇於從公崇禎九年土寇肆起知縣王化行以土城卑薄建壘造輒易之以嘉言高思忠董其役周歲工始竣未幾闖賊至城陷化行死之嘉言思忠俱被執不屈罵賊死弟雅言收兄屍葬嘉言思忠同祀忠義祠
李某明諸生周口河西人清定鼎後薙髮令下李抗節不從死

清

李炳炎咸豐間捻匪犯周口炳炎拒戰罵賊死

李海龍咸豐年十月捻匪犯周口海龍被執罵不絕口死之弟應龍見兄遇害與賊械鬪亦被鬻死

許庭訓廩生性好學讀書矮室無事不輕出戶親鄰罕識其面事親以孝稱母老多病湯藥親嘗衣不解帶者數年家居龍塘河

寨同治二年九月賊夜攻寨甚急母謂庭訓曰事急矣汝可與妻子速逃無以我爲憂幸而脫許氏一綫之延可不絕庭訓泣曰母在兒何忍去寨破賊欲殺母庭訓泣求代賊義釋之庭訓負母渡河至中流力竭溺死賊去後舉其尸猶負母於背不釋手知縣聯魁詳其事於朝准入忠孝祠

許景洵性倜儻不拘小節有犯之者眦睚必較素以節義自高同治二年避亂龍塘河時捻匪圍攻甚急景洵招集家丁日夜巡察寨防守甚嚴以力不支寨破遂投水死

張萬順北蔡寺人同治二年捻匪破圍萬順被執不屈乘間投水死

李心德膽量過人善技擊咸同之亂嘗隻身捍賊賊皆辟易後大股至心德復與戰被圍數重力竭戰死

商水縣志

卷十八

人物志

三十二

顧全來有至性值捻匪亂趨避不及父被圍困全來大聲疾呼手執木器舍命相救父子俱死於難

趙廷颺庠生世居沙河北岸陳灘寨咸豐八年九月十九日捻匪破寨廷颺死之寨本淮甯境赴水死者千數百口獨廷颺之族籍隸商水同時死者其叔天貴兄廷璧廷彥弟廷松從弟廷相姪鳴岐族人世德共八人

傅成五字堃園號清齋六世祖嘉言明崇禎間與母惠氏城陷殉難各有傳父履坦監生有家法成五幼聰穎讀書必規其大凡經史及先正名言有裨身心世道者摘錄一帙時體諸心爲文獨抒己見試輒冠軍喜談兵嘗誦傅介子大丈夫當立功異域何至坐牖下作老儒生之言輒擊節曰此吾家英雄也至洪逆倡亂成五遂留心孫吳尉繚之學於王驥練兵法戚繼光編約

隊伍法及一切兵書無不讀尤以岳忠武運用存乎一心爲兵家祕訣咸豐間髮匪擾河南詔行堅壁清野法知縣劉世勛延紳耆商辦成五進曰商水蕞爾地瘠民貧必設法峙芻糧備器械使民皆知兵復結以恩義方可言守不然未可恃也劉稱善八年十月賊突至周口縣城危甚成五率勇登埤晝夜巡邏激勸衆弁感奮死守以守城功獎叙五品銜九年汪斌才來知縣事廉成五諳兵略一切練勇防守事宜多資以行同治初賊北竄僧邸督師追剿駐兵歸德金家樓馬牧集潁州太和瑞芝舖一帶餉道梗塞馳檄附近各州縣以民價代採買米糧接濟時成五方抱病知縣聯魁知其能委任運輸事成五以迫於公義不避凶險遂力疾督糧往出入鋒鏑者數次病轉劇竟不起時年四十三同治四年三月二十九日也十三年秋請其事於朝

商水縣志

卷十八

人物志

三十三

以陣亡例崇祀忠義祠子二振德有傳炳德候選巡檢孫五啟鈞廩生考取巡檢啟宇增生啟運陸軍學校畢業由部分派本省陸軍第一混成旅監習官到差後軍發潁喬郊縣及洛南等處勦匪左陣繪圖積勞致疾卒於營部蒙賜恤典

謝環許蕙芳之樸也主人被劫環以死抵賊主脫而環死知縣李

煥新以義盡忠全獎之

以上採訪稿

廩生許庭訓

有傳

監生許景法

張萬順

郭大頭

張滿堂

郭亮彩

許應聘

周華山

胡安

陳新

郭允中

許景漢

李暴年

郭守仁

郭春

周路

許馬套

張容前

許舒名

趙敬臣

張六

安貸

許嘉祥

周長有

胡秉曉

李二清

許海

王頭

許冬玉

許進塞

周中天

李二漢

郭新

馮騾

趙名山

許東山	許麒麟	許登昂	王丑	李輝	許鐵鎚
謝又祥	趙如章	郭相曾	王清	張才	王現周
王升兒	許舒次	張吉照	郭藍	周鬧	趙歹犬
張麥口	李三清	李留年	許科	王海	周二套
張鳳朝	王金彭	周尙質	高坡	周磨	周紹遠
郭禮來	李鐵創	李三元	郭拴	郭烈	周克書
李因如	許會川	郭允子	許黑	趙德	郭東來
郭士剛	許胡鬧	郭含璧	郭東	胡伴	劉鐵頭
郭發水	謝三年	孫朝宗	王寅	張	郭學詩
王丙辰	郭陶成	郭羊黑	段漢	張冷	許景魁
郭此奈	郭斌才	許麻子	郭狗	郭新	許景春
王來東	張立貨	周富德	郭秀	許貴	周二山

郭萬倉 許景川 孫會玉 王拴 趙憲 周慶章

許震西 郭六緒 郭永祥 梁倫 許器 許寶山

王克相 郭黑毛 李興全 王九 張流 馬成羣

郭克明 孫保同 許倫清 張布 趙年 郭東文

許震南 王鳳雲 郭成科 王全 周合 王喜臨

周清年 郭方祥 張應臣 盧木 胡申 趙清兒

李明文 李長林 許登仙 張田 張安 周秀雲

郭永太 傅懷曾 許全興 李科 許片 許景增

李貴升 孫朝林 趙敬林 李收 孫榮 許登恒

陳進城 許舒太 郭娃年 李興 周合 李大良

許景洵傳有 郭新彰 張烟清 郭小 王豆 張明德

周登岳 許炳炎 周登文 王舒 許身 郭太年

周振清 郭中秋 張國治 李妮 郭喜 趙恒業
胡秉善 周紹旺 郭熱鬧 郭麥 許樞 郭兆祥
盧應海 許瞎子 郭鐵榜 郭奪 張順 郭二度
郭承業 郭春城 郭大搯 王酸 周套 李天壽
馮三馬 郭懷宣 郭顯志 張榮 王張 許登聚
王大方 郭克俊 郭景泉 趙張來 安清 郭敬朝
周振青 周克志 周振昇 郭三星

以上二百一十九人皆同治二年捻匪破北岳北蔡寺龍塘河等寨死難知縣聯魁詳准入祠見忠義祠總木牌

花翎都司銜儘先守備向永福 花翎儘先補用游擊張鳳朝

直隸花翎補用都司銜衛龍勝 雲南尋霑營參將王士雄

花翎游擊楊通達 貴州游擊胥作倫

商水縣志

卷十八

人物志

三十五

直隸游擊杭進先 補用都司王守典

都司銜守備魏文彬 參將彭長霖

參將郭鎮 都司謝勳安

游擊邱長明 游擊黃兆魁

游擊劉德斌 游擊德克精

通判車式恭

以上十七人共一木牌

馬兵曹樹桂 李廣弼 黃廣柱 王正端 王金田 史青明

以上六人共一木牌

馬兵王信 趙昇

以上二人共一木牌

守兵朱福志 楊魁林 王霞光 趙俊昇 王錫

以上五人共一木牌

以上通計共三十人俱見昭忠祠

鄉團哨官王漢臣什長施保全巡警劉玉堂賈來成差警陳平張
媽呼劉文蘇敏慶鄉民郭希賢以上九人俱民國元年隨知縣曾
紀烜剿匪遇害附列於此